

**პროგრამაზე დაშვების წინაპირობა**

მაგისტრატურაში სწავლის უფლება აქვს ბაკალავრის ან მასთან გათანაბრებული აკადემიური ხარისხის მქონე პირს, რომელიც ჩაირიცხება სამაგისტრო გამოცდების შედეგების საფუძველზე (საერთო სამაგისტრო გამოცდა და სტუ-ს მიერ განსაზღვრული ორი გამოცდა - ფინანსებსა და საბანკო საქმესა და ინგლისურ ენაში - დონე B2. ინგლისური ენის B2 დონის დამადასტურებელი დოკუმენტის წარმოდგენის შემთხვევაში მსურველები თავისუფლდებიან აღნიშნული გამოცდიდან). შიდა საუნივერსიტეტო გამოცდების საკითხები/ტესტები განთავსდება სტუ-ს სწავლების დეპარტამენტის ვებგვერდზე <http://gtu.ge/Study-Dep/> გამოცდების დაწყებამდე მინიმუმ ერთი თვით ადრე.

პროგრამაზე ჩაირიცხვა სამაგისტრო გამოცდების გავლის გარეშე, შესაძლებელია საქართველოს განათლებისა და მეცნიერების სამინისტროს მიერ დადგენილი წესით.

**პროგრამის მიზანია:**

საგანმანათლებლო პროგრამის მიზანია საბანკო ბიზნეს-პროცესების მოდელირების, ინჟინერინგის, მენეჯმენტის და კორპორაციული ფინანსების თეორიულ-მეთოდოლოგიური საკითხების სიღრმისეული შესწავლა, კვლევითი უნარების მქონე სპეციალისტების მომზადება, რომელთაც შეეძლება ფინანსებისა და საბანკო პროცესების მართვისათვის საჭირო თეორიული ცოდნის სრულყოფა და პრაქტიკაში გამოყენება.

**სწავლის შედეგები/კომპეტენტურობები (ზოგადი და პროფესიული)**

**ცოდნა და გაცნობიერება:**

აქვს პროცესულად სტრუქტურირებული ბიზნესის შესაძლებლობების, ფინანსური ინჟინერინგის არსისა და მნიშვნელობის, ბიზნესის კვლევის მეთოდების, კორპორაციის მოგების ფორმირებისა და მართვის ფინანსური მექანიზმების, ფინანსური რისკების მართვის მეთოდების და საბანკო ბიზნეს ლოგისტიკის შესახებ ღრმა და სისტემური ცოდნა; აცნობიერებს საბანკო აუდიტორული საქმიანობის სტრუქტურასა და ორგანიზაციას, საბანკო ფინანსური ანგარიშგების საერთაშორისო სტანდარტებსა და ეროვნული ბანკის მიერ დადგენილ მოთხოვნებს, საბანკო ბიზნეს ლოგისტიკის მნიშვნელობას, საბანკო ბიზნეს-პროცესების მართვის სისტემების ძირითად ცნებებსა და ტექნოლოგიურ პროცესებს.

**ცოდნის პრაქტიკაში გამოყენების უნარი:**

შეეძლება საფინანსო-საბანკო სფეროში არსებულ აქტუალურ საკითხებზე კვლევის ჩატარება და შესაბამისი დასკვნების გაკეთება, ფინანსური ინჟინერინგის ინსტრუმენტების - ფინანსური პროდუქტების პრაქტიკული გამოყენება, საკრედიტო საქმიანობის ორგანიზაციისა და საკრედიტო მენეჯმენტის ეფექტიანობის შემოწმება, ბანკებში ფინანსური ანგარიშგების მომზადება და ანალიზი, კორპორაციების ფუნქციებისა და საქმიანობის ძირითადი მიმართულებების, საკუთარი და მოზიდული რესურსების ღირებულების შეფასება, საბანკო მომსახურების მიკრო, მაკრო და მეტა ლოგისტიკური სისტემების ანალიზი და ამოცანის დასმა, საბანკო ბიზნეს-პროცესების მოდელების ურთიერთდაკავშირება.

**დასკვნის უნარი:**

შეუძლია ფინანსური ინჟინერინგის პროცესებისა და სტრატეგიის, კორპორაციების ფულადი და საბრუნავი აქტივების, საბანკო ბიზნეს-პროცესების მოდელირების საკითხებზე დამოუკიდებლად გადაწყვეტილებების მიღება; უახლესი კვლევების კრიტიკული ანალიზის საფუძველზე დასაბუთებული დასკვნების ჩამოყალიბება; უახლეს მონაცემებზე დაყრდნობით ინფორმაციის ინოვაციური სინთეზი; დამოუკიდებლად გადაწყვეტილების მიღება და რეალიზაცია.

**კომუნიკაციის უნარი:**

შეუძლია საკუთარი დასკვნების, არგუმენტაციისა და კვლევის მეთოდების წარდგენა. აკადემიურ და პროფესიულ საზოგადებასთან დებატებში მონაწილეობა, განსხვავებული აზრის მიღება და საკუთარი პოზიციის დასაბუთება.

**სწავლის უნარი:**

საბიუჯეტო სისტემის აგების თავისებურებების შესწავლის პროცესის გათვითცნობიერება, საბანკო მენეჯმენტის მსოფლიო გამოცდილების გააზრებას, ქვეყნის ეკონომიკურ საქმიანობაში საბანკო სისტემის მნიშვნელობის გათვითცნობიერება.

**ღირებულებები:**

გათავისებული აქვს საკუთარი პროფესიული პასუხისმგებლობა, როგორც მომხმარებელთა წინაშე მიწოდებული მომსახურების და სერვისის ხარისხის მიმართ; შეუძლია ბანკის ფინანსური ანგარიშგების მომზადების სიზუსტის დაცვა.

**სტუდენტის ცოდნის შეფასების სისტემა**

შეფასება ხდება 100 ქულიანი სკალით.

დადებითი შეფასებებია:

- (A) - ფრიადი - შეფასების 91-100 ქულა;
- (B) - ძალიან კარგი - შეფასების 81-90 ქულა;
- (C) - კარგი - შეფასების 71-80 ქულა;
- (D) - დამაკმაყოფილებელი - შეფასების 61-70 ქულა;
- (E) - საკმარისი - შეფასების 51-60 ქულა.

უარყოფითი შეფასებებია:

- (FX) - ვერ ჩააბარა - შეფასების 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;
- (F) - ჩაიჭრა - შეფასების 40 ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.

**სასწავლო კურსების ჩამონათვალი კრედიტების მითითებით**

№	სავალდებულო სასწავლო კურსები	კრედიტი
1.	კომუნიკაციის სტრატეგიები (ქართული)	6
	Communicative Strategies (ინგლისური)	
2.	პროფესიული ტექსტის რეფერირება (ქართული)	5
	Professional Text Processing (ინგლისური)	
3.	ბიზნეს-პროცესების ინჟინერინგი და მენეჯმენტი	6
4.	ბიზნესის კვლევის მეთოდები	5
5.	რისკოლოგია	4
6.	საბანკო ბიზნეს ლოგისტიკა	4
7.	საბანკო აუდიტი	4
8.	ფინანსური ანგარიშგება ბანკში	5
9.	კორპორაციული ფინანსები	6
10.	ადამიანური რესურსების სტრატეგიული მენეჯმენტი	5
11.	საბანკო ბიზნეს-პროცესების მოდელირება და მართვა	5
12.	საბანკო მენეჯმენტი	5
13.	ფინანსური პოლიტიკის სტრატეგიები	5
14.	შედარებითი საკორპორაციო სამართალი	5

15.	პროფესიული პრაქტიკა - „მსესხებლის შეფასება, სესხის გაცემის კრიტერიუმები და სასესხო პროდუქტების ადმინისტრირება“	5
16.	საწარმოო პრაქტიკა ბიზნესის ადმინისტრირებაში	5
<b>არჩევითი საგნები</b>		<b>5</b>
17.	ეკონომეტრიკა	5
18.	ცოდნის ეკონომიკა	5
19.	გეოეკონომიკა	5
20.	ფინანსური ინჟინერინგი	5
21.	ფინანსური სისტემების მართვა	5
22.	კომერციული ბანკის საქმიანობის ფინანსური ანალიზი	5
23.	საერთაშორისო სადაზღვევო ბიზნესი	5
<b>სამაგისტრო ნაშრომის დასრულება და დაცვა</b>		<b>30</b>